

Ilinniarfinni (GUX) ilinniagaqartut ulluanni maleruagassat nalinginnaasut

1. Aallaqqasiut

Nuna Tamakkerlugu Ilitsersuisarfiup (NTI) ilinniartitaaneq pillugu paasititsiniaalluni angalanermut atatillugu ilinniagaqartut ulluanni maleruagassat aqqisuussisunut tamanut saqqummiukkusuppai.

Maleruagassat aqqisuussisunut nutaanut misilittagaqarnerusunullu eqqaamasassanut nalunaarsuiffittut atorneqarnissat siunertaavoq. Maleruagassani piumasaqaatit minnerpaat peqataasunit takuniaasuniillu ujjartorneqarsimasut aalajangersaavigineqarput.

2. Siunertaq

Ilinniagaqartut ulluat tassaavoq ikaarsarnissamut aqutissiuussinerup ingerlanneqarnissaanut ilinniarfinni aqutissiuussisunut inatsit atuuttoq naapertorlugu pisussaaffiliisumut ilaasoq.

Ilinniagaqartut ulluat GUX-imi Aasianni, Sisimiuni, Nuummi Qaqortumilu ingerlanneqassaaq. Sisimiuni Qaqortumilu KTI Nilu suleqatigineqassapput.

Ullormi tamatumani ilinniartut nunatsinni Danmarkimilu ilinniagaqarnissamut periarfissanik namminersortut pisortallu suliffiutaanni sunngorsinnaanissamut periarfissat saqqummiussiviginissat siunertaavoq.

Danmarkimi Kalaallit Illuini ilinniagaq pillugu siunnersortit Danmarkimi ilinniagaqarnissamut periarfissanik piumasaqaatinillu saqqummiussissapput.

3. Anguniakkat

GUX-imi ilinniartut tamarmik matumani saaffigineqarput. Ilinniartut qanoq ilillutik saqqumiussinernut taakkununga peqataanissamut nalunaarnissaannut GUX -it immikkut tamarmik ileqqoqarput, ilinniagaqartulli ulluat sapaatip akunneranik sioqqullugu nalunaartoqassaaq. 3.G-mi ilinniartut kissaataat ukkanneqarnerullutik klassit akornanni annikitsunik assigiinngissuteqarpoq. Taakku ilinniakkamik toqqaanissaq- nunatsinni ilinniarfinnut qinnuteqarfissaq kingulleq tassaasoq marsip ulluisa aallaqqaataat, Danmarkimilu kvote 2 ilinniakkanut /immikkullu ittumik aqqisuussinernut qinnuteqarfissaq kingulleq tassaasoq marsip ulluisa 15-iat- annertunerusumik isummerfigissavaat.

Ilinniagaqartut ulluat- ilinniartup nammineq aalajangeeqataaffigalugulu saqqummiussat suut takorusunnerlugit tusaarusunnerlugillu isummerfigisassaa.

Tamatuma saniatigut atuartut ilinniakkanut qaffasinnerusunut isernissamut piumasaqaatinik assigiinngitsunik ilisimasaqalernissat, taamaalillutillu 1.G-it aamma 2. G-it faginik toqqaasussanngorunik tamakkuninnga isumaliutersuuteqarsinnaanngornissat anguniagaavortaaq.

4. Najukkami pilersaaruserneq aqqisuussinerlu

Najukkami pilersaaruserneqatigiinnik; Majoriamit, meeqqat atuarfiannit GUX-imiillu peqataaffigineqartumik pilersitsisoqassaaq.

Pilersaaruserneqatigiit najukkami ilinniarfinnut suliffeqarfinnullu qaaqqusissutinik nassiussissapput.

Pilersaaruserneqatigiit qaaqqusissutit akineqarnissat, akissutisissat nukingisaarutiginnissat il.il. isumagissavaat.

Pilersaaruserneqatigiit najukkami paasititsiniaaneq ingerlatissavaat.

Ilinniagaqartut ulluat pingaarnertut GUX-imit aqqisugaavoq taamaammallu najoqqutassiorneq, ilinniagaqartut ulluat pillugu atuartunut paasissutissineq, ilinniartut nalunaarnissat, saqqummiussisussat inimik atugassinissat, unillatsiarnerni sutugassaqaarnissat immaqalu aliikkusersuinissat,

kingusinnerpaamik aqqisuussineq sap. ak. sioqqullugu najuqqutassiami saqqummiunneqarnissaa isumagissallugu.

Ilinniagaqartut ulluat GUX-imi ingerlanneqassaaq, aqqisuussineq GUX-imi aqutissiuussisunit saqqummiunneqassaaq.

Tamatuma kingorna saqqummiussisussat namminneq saqqummiussinissaminnik isumaginnittussat, atuartut peqataaniarlutik nalunaartut tunngavigalugit, holdinut pilersinneqartunut immikkut tamarmik inimut atuartsivimmut innersuunneqassapput.

Saqqummiusserit tamarmik immikkut minutsinik 45-inik sivisussuseqassapput.

Ilinniartunut, ilinniartitsisunut qaaqqusanullu najoqqutassiortoqassaaq. Najoqqutassiaq GUX-imi ilinniagaqartut ulluata ingerlanneqarnissaa sap. ak sioqqullugu nassiunneqassaaq.

Piareersaatit nalinginnaasut tamarmik aqaguppat piareereersimassapput.

Peqataasut tamarmik wifi -eqarnissaat isumagineqassaaq.

5. Qitiusumik pilersarusiorneq aqqisuussinerlu

Ilinniartitaaneq pillugu paasititsiniaalluni ullut angallavissat NTI-mit aalajangersaavigineqassapput.

Ilinniartit suliffeqarfiillu peqataasussat ilinniartinni akisussaasunut nalunaasapput.

Peqataaniarlutik nalunaartut allattorsimaffiat, ilinniagaqartut ulluata ingerlanneqarnissaa sap. ak. marluk sioqqullugu NTI-mut nassiunneqassapput.

6. Saqqummiussisussat suliffeqarfinneersut

Saqqummiussaq minutsini 25-ini saqqummiussinermut minutsinilu 20-ini apeqquteqarnissamut avinneqassaaq.

Saqqummiussaq tigussaalersiguk suliffeqarfimmi atorfeqartut ilinniagaqassutsikkut tunuliaqutaat assigiinngitsut assersuusiutikkik.

7. Saqqummiussisussat ilinniartfinneersut

Saqqummiussaq minutsini 25-ini saqqummiussinermut minutsinilu 20-ini apeqquteqarnissamut avinneqassaaq.

Saqqummiussaq tigussaasunngoruk assersuussiorlutillu.

Ilinniartitaanerup imarisaasa- atuagarsorneruppat sulinermik sungiusarneruppat taakkuluunniit akuleriippata saqqummiunissaat innersuussutaavoq.

Ilinniarterup aqqisuussaana ingerlanissaalu pillugit maleruagassat erseqqissakkit.

Ilinniakkap aallartinnissaa, ilinniartermi piumasaqaatit, suliffissat ilinniartermilu aningaasaqarneq.

Sioqqutsillutit aallartigit, maanna ilinniartunit ilinniartuusimasuniillu isumassarsigit – taakku ilinniartitaanissi iluaqtissartaanik qularunnaarsitsisuulluassapput.

8. Ilinniarnissamut piumasaqaatit

Ilinniartut GUX-ernerat toqqaanissanit isummerfigisassanit assigiinngitsunit; qaffasissumik ilinniakkamik toqqaanermi, faginit toqqagassanit ilinniakkamillu toqqaanermi sunnerneqassaaq.

Klassimi sorlermiinnerat inuunermilu atugassaritsitaasut suut apeqqutaallutik, piginnaasaat assigiinngissinnaapput.

Ilinniagaqartut ulluat, ilinniakkani assigiinngitsuni piumasaqaatit atugassarititaasullu assigiinngitsut suunerannut naleqqatut atorsinnaavoq. Ulloq pissarsiviulluassappat, ilinniartut ilinniagaqartut ulluata siunertaa kiisalu GUX-ip ullormi tassani naatsorsuutigisaa ilisimasariaqarpaat.

Ilinniartitaaneq pillugu paasititsiniaalluni angalaneq tamakkiisoq nukinnik annertuunik atuiiffiummat, GUX-ip minnerpaamik isumagisnaasaa tassaavoq ilinniartut piareersarluarsimallutik takkunnissaat.

9. Ullormi najoqqutassaq

- ✓ Ass. aulami tikilluaqqusineq, ilisarititsineq ullormilu pisussanik saqqummiussineq.
- ✓ Saqqummiussissanut init ilinniartitsiviit isiginnaarutitallit imal. sarsuatitsissutillit.
- ✓ Saqqummiussineq – saqqummiussinerit immikkut tamarmik 45 minutsinik sivilissuseqassapput
- ✓ Ullup qeqqasiorneq
- ✓ Saqqummiussineq
- ✓ Naggasiineq

10. Ilinniartitsineq

Ilinniagaqartut ulluanni ilinniartitsineq tassaavoq nunatsinni Danmarkimilu ilinniagaqarnissamut periarfissat paasisaqarfiginissaannik ilinniartup periarfissinnissaa. Ilinniartut ilinniartissanut assigiinngitsunut ilinniagaqartut ulluanni saqqunniunneqartunut apequteqarsinnaanissamut attaveqarnissamullu periarfissinneqassapput. Tamatuma ilinniarnertuutut naammassisimanerup sumut atorneqarsinnaanissaanut paasisaqartissavai, piunnaqqaatinullu ilinniartitaanerni tamani atuuttunut paasinnereersillugit.

Ilinniagaqartut ulluat, ilinniagaqarnissamut periarfissat atitussusaanik ilinniartut paasinninnissaannut periarfissiissaaq. Tamatuma peqatigisaanik GUX-imi ilinniartut maanna iliuuseqarnissaasa piunnaqqaataaananik ilinniartitaanermilu aqqutit narluinnarajunnginnerannik ilinniartut paasinninnissaannut ammaavortaaq.

11. Naliliineq

Ilinniagaqartut ulluata naliliivigineqarnissaa innersuussutaavoq. Ilinniartuni Lectio aqqutigalugu taamaaliortoqarsinnaavoq, peqataasuni allani ass. SurveyMonkey assigisaaluunniit atorneqarsinnaavoq.

Pilersaarusoqatigiit suleqatigisatik peqatigalugit naliliissapput.

Misilittagaasinnaasut isornaateqartulluunniit uunga nassiunneqarsinnaapput: nti@aqqut.gl